

Zeitschrift: Le nouveau conteur vaudois et romand
Band: 91 (1964)
Heft: 9-10

Artikel: Amicale di patêjan "Lè Triolè"
Autor: Bongâ, Marièta
DOI: <https://doi.org/10.5169/seals-233691>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.04.2026

ETH-Bibliothek Zürich, E-Periodica, <https://www.e-periodica.ch>

Amicale di patêjan « Lè Triolè »

Po la vèlya dou 14 dè mâ èthi le toua ou velâdzo d'Arkonhyi dè rèchêdre in achinbyâye ti lè j'èmi dou patê. Ethan ouna karantanna ke l'avan rèpondu a l'invitachyon dou comité.

Hou rinkontrè bin inkôtyè parmèton dè mintinyi nouthron bi lingâdzo.

Le tsan d'la Poya la'ourâ ha vèlya è du chin, M. Franthè Mouron, préjidan l'a chaluâ ti lè patêjan in betin in ègjinpyo lè pye koradyâ k'èthan vinyè du Friboua, Bounafontanna, Grandzè-Pako, Avry, Rosé è lè j'alintoa. D'our le protocole bayi pê la chèkretéra, tsakon mouyâvè i balè j'ârè pachâyè a la dêrire achinbyâye a Trivo.

La parola l'è j'ou baya a M. Henri Hyimin on'abituâ dè nouthrè rinkontrè. Dè cha vouè bin tinprâye y no j'a rapelâ le brî dè nouthron lingâdzo è kemin lè Chuiche ke van a l'èthrandzi l'an le kâ charâ d'our tsantâ « Lè j'Armalyi di Colonbètè ».

I no j'a rèkmandâ dè mé èkrirè dou patê è mimamin organijâ on konkour. Ma, por le momin la tyéche d'l'« Amicale di Triolè » ne brâmè pâ dou gonhyo ?

Teché k'avui on bokon dè rètâ no j'arouvè M. Gabriel Kolly, député è minbro dou comité. Po rèpondre a la dêmanda dou préjidan y l'a èchprimâ on omâdzo in l'anâ dè M. Dzojè Gross k'amâvè tan chon velâdzo, chè kothemè è chon patê.

M. Pièro Yêrle n'a por le momin pâ tan liji dè menâ le vichpyon po èkrirè

dou patê. Ly'è por chin ke no j'a yé « Le bon pouro » konpojâ pê chon chènnya le règrètâ poète dou Mont. On bon patêjan atindê chon toua por no bayi konyechinthe dè chè fâchè ke chon tan bin kontâyè. Vo dèvenâdè dza ke l'è bin le brâvo M. Franthè Bourdyè dè Trivo. Mogrâche n'âdzo y manké râramin lè j'achinbyâyè.

Por tsandzi le dialecte, la parola l'è jou bayâ a M. Luvi Gumy d'Avry chy Rojé. In patê kouétso y l'a invitâ lè patêjan a ouna rinkontra din lou kotse. Dinche on porè aloumâ on tejon dè fraternitâ intrè ti lè j'èmi dou patê è chuto hâ ke châvon le dêfindre. Po betâ mé dè dzouyo M. le préjidan l'a jâ la boun idé dè bayi a tsakon l'okajyon dè kontâ ouna fâcha ou bin n'in tsantâ yina.

Chin chè fére prèyi M. Dènis Terreaux, dè cha vouè bin tinbrâye no j'a tsantâ « Lè j'Adyu ou Yantsè è lè 45 tsotin » ke no j'alâvan drê ou kâ. Po hyoure ha vèlya ti lè patêjan l'an fê our « Lè j'Armalyi di Colonbètè » è no no chin chèparâ in no dejin a rêvère a dè tsotin kevin a Epindè.

Marièta Bongâ.

Commerçants !

Faites-vous connaître des Patoisants romands en insérant une annonce dans le **Conteur romand**.

LE PREMIER PAS... D'UN BON REPAS!

Les « Bons Romands » sont toujours prêts à prendre... un apéritif « DIABLERETS » !